




Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-04-07115/25

Datum: 24. 02. 2026. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
ul. Reisa Dž. Čauševića br. 1
71000 Sarajevo
N/r Elvedin Okerić, predsjedavajući



PREDMET: Odgovor na zastupničku inicijativu, dostavlja se;
VEZA: Vaš akt, broj: 01-04-57021-24/25 od 16.12.2025. godine

Poštovani,

U skladu sa Vašim aktom, broj i datum veze, kojim ste nam dostavili zastupničku inicijativu zastupnice Sebiye Izetbegović koju je uputila na 27. radnoj sjednici Skupštine Kantona Sarajevo, održanoj dana 16.12.2025. godine, a koja glasi:

" Na osnovu člana 213. Poslovnika Skupštine Kantona Sarajevo, upućujem inicijativu Kantonalnoj upravi za inspekcijske poslove Kantona Sarajevo da izvrše usmjereni inspekcijski nadzor u Centru za odgoj, obrazovanje i rehabilitaciju "Vladimi Nazor", a u vezi s prostorom za rad u Senzornoj sobi.

Molim da se inspekcijskim nadzorom utvrdi da li navedeni prostor ispunjava propisane uslove za obavljanje kinezioterapije u skladu sa važećim standardima u pogledu minimalne površine, namjene i opremljenosti kabineta za kinezoterapiju, kao i da li se u istom prostoru mogu obavljati navedene aktivnosti bez ugrožavanja sigurnosti i zdravlja djece.", obavještavamo Vas da su kantonalni inspektori (kantonalni prosvjetni inspektor i kantonalni zdravstveni inspektor) svaki iz svoje nadležnosti izvršili dva usmjerena i jedan dopunski inspekcijski nadzor u JU Centar za odgoj, obrazovanje i rehabilitaciju "Vladimir Nazor" Sarajevo na okolnosti navedene u zastupničkoj inicijativi.

Naime, postupajući prosvjetni inspektor, dana 29.12.2025. godine izvršio usmjereni inspekcijski nadzor, te Vas informišemo da je Odlukom o pedagoškim standardima i normativima za odgoj i obrazovanje u osnovnoj i srednjoj školi (Službene novine Kantona Sarajevo" br. 3/25 i 29/25) uopće nije propisana senzorna soba, te samim tim ni šta ista treba da sadrži, niti je propisano koji su minimalni uslovi za obavljanje kinezioterapije u pogledu minimalne površine, namjene i opremljenosti prostora.

Prilikom vršenja inspekcijskog nadzora, lice prisutno nadzoru je izjavilo na zapisnik, da nemaju senzornu sobu te da imaju prostor u kojem se obavlja fizioterapija, a ne kinezioterapija. Inspektor je upoznat gdje se nalazi prostor u kojem se obavljaju fizioterapeutske tretmane, te je lice prisutno nadzoru izjavilo, da su prije nego su fizioterapeuti izmješteni u prostorije 1-07 i 1-08 isti radili u prostoru koji je nekada služio kao senzorna soba, što je bilo privremeno rješenje dok se prostor u kojim se sada obavljaju fizioterapije osposobljavao za rad. Prostor koji je nekada služio kao senzorna soba se nalazi u prizemlju škole, te je na tlocrtu označena kao igraona površina 50,70m² i ista se koristi isključivo za igraonicu za djecu, i to po potrebi.

Nakon izvršenog inspekcijskog nadzora od strane kantonalnog prosvjetnog inspektora izvršen je inspekcijski nadzor od strane kantonalnog zdravstvenog inspektora prilikom koga je postupajući inspektor utvrdio da se radi o subjektu nadzora koji je registrovan za predškolsko i osnovno obrazovanje. Rehabilitacijske usluge koje provode četiri fizioterapeuta (dva viša fizioterapeutska tehničara, diplomirani fizioterapeut i fizioterapeutske tehničar), na osnovu preporuka iz liječničkih nalaza specijaliste fizijatra i drugih specijalista, a procjenu kojim je učenicima potreban fizioterapeutske tretman u subjektu nadzora vrši Stručni tim Centra u čijem sastavu su dva defektologa, pedagog, psiholog i socijalni radnik. Radi utvrđivanja da li se rehabilitacijske usluge provode neodvojivo, odnosno kroz nastavni plan i program, kako je propisano standardima i propisima iz oblasti prosvjete, te shodno činjenici da se isto realizira na osnovu preporuke stručnog tima škole, a uvažavajući činjenicu da su uposleni zdravstveni radnici i da je istaknuta oznaka u školi "Kabinet za fizioterapeutske tretmane", inspekcijski postupak postupajući inspektor ne može nastaviti dok se ne utvrdi da li je za navedeno potrebna saglasnost Ministarstva zdravstva, obzirom na neusaglašenost propisa iz oblasti prosvjete i zdravstva.

Inspektorat prosvjetne inspekcije Kantonalne uprave za inspekcijske poslove Kantona Sarajevo nakon zaprimljene Informacije kantonalnog zdravstvenog inspektora, broj: UP-1-14-10/26-33-25795/25 od 12.01.2025. godine u kojoj se navodi da je izvršen inspekcijski nadzor u JU Centar za odgoj, obrazovanje i rehabilitaciju "Vladimir Nazor", na osnovu zastupničke inicijative, te se ista dostavlja kako bi prosvjetni inspektori utvrdili da li su navedeni postupci kinezioterapije obuhvaćeni propisima iz oblasti prosvjetne inspekcije, odnosno da li iste može da predloži stručni tim u okviru rehabilitacijskog programa i da li je isto sastavni dio nastavnog plana i programa, odnosno aktivnosti koje se provode u skladu sa važećim pedagoškim standardima.

Informišemo Vas da je postupajući kantonalni prosvjetni inspektor dana 22.01.2026. godine izvršio dopunski usmjereni inspekcijski nadzor u JU Centar za odgoj, obrazovanje i rehabilitaciju "Vladimir Nazor" Sarajevo.

U inspekcijskom nadzoru u odnosu na okolnosti iz prijave izvršen je uvid u:

- Rješenje o izmjenama podataka Općinskog suda u Sarajevu, broj: 065-0-Reg-25-001098 od 08.04.2025. godine uvidom u koje se konstatuje da je Javna ustanova Centar za odgoj, obrazovanje i rehabilitaciju "Vladimir Nazor" Sarajevo sa sjedištem u ul. Azize Šaćirbegović broj 80 registrovano kao predškolsko i osnovno obrazovanje.
- Rješenje o imenovanju Stručnog tima za podršku inkluzivnom obrazovanju JU Centar za odgoj, obrazovanje i rehabilitaciju "Vladimir Nazor", broj: 01-408/25 od 28.01.2025. godine;
- Rješenje Ministarstva obrazovanja, nauke i infomisanja Kantona Sarajevo, broj: UP-11-01-38-224-29/2000 od 01.09.2000. godine kojim JU Centar za vaspitanje, obrazovanje, radno osposobljavanje mentalno retardirane djece, djece oboljele od autizma i cerebralne

paralize “Vladimir Nazor” Sarajevo ispunjava zakonske uvjete za vršenje specijalnog osnovnog obrazovanja i odgoja učenika;

- Rješenje Ministarstva za obrazovanje, nauku i mlade Kantona Sarajevo broj: UP-11/01-38-28503/13 od 20.11.2013. godine o izmjenama i dopunama Rješenja broj: UP-11-01-38-224-23/2000 od 01.09.2000. godine. U obrazloženju je navedeno da se ustanova obratila sa zahtjevom za izmjenu i dopunu naziva Centra u skladu sa Odlukom o davanju saglasnosti Školskom odboru Javne ustanove Centar za vaspitanje, obrazovanje i radno osposobljavanje i zapošljavanje mentalno retardirane djece, djece oboljele od autizma i cerebralne paralize, broj: 01-05-19000/13 od 03.07.2013. godine koju je donijela Skupština Kantona Sarajevo.

U odnosu na okolnosti iz prijave, da li je provođenje kinezioterapije u smislu fizioterapeutske djelatnosti sastavni dio obrazovnog i rehabilitacijskog programa, kao i da li iste može da predloži Stručni tim u okviru rehabilitacijskog programa, pregledu prisutni pomoćnik direktora je izjavio na zapisnik, u Nastavnom planu i programu kao ni u pedagoškim standardima i normativima nije propisana kinezioterapija. Pedagoškim standardima i normativima je propisano da centar ima fizioterapeute kao saradnike i da stručni tim centra procjenjuje da li je djetetu potreban fizioterapeut. Mi u Centru imamo zaposlena 4 fizioterapeuta čiji su poslovi i radni zadaci propisani pedagoškim standardima i normativima kao i profil i stručna sprema te su istim u skladu s pedagoškim standardima izdata rješenja o 40 satnom zaduženju.. Izmjena postojećih planova i programa je tražena još u aprilu 2025. godine te je u odgovoru resornog Ministarstva navedeno da se pozivamo da se nastava realizuje prema nastavnim planovima i programima po Odluci Ministarstva br. 11-03/02-34-13432/22 od 30.03.2022. godine.

Kao dokaz izjavi prezentirano je:

- Rješenje JU Centar za odgoj, obrazovanje i rehabilitaciju “Vladimir Nazor” Sarajevo broj: 01-2457-103/25 od 08.10.2025. godine o 40-satnom nedjeljnom zaduženju radnika u školskoj 2025/2026. godini za radnicu Kadić Jasmin – fizioterapeut;
- **Nastavni plan i program za devetogodišnju osnovnu školu za djecu sa intelektualnim i razvojnim teškoćama (djeca i omladina sa umjerenim i težim intelektualnim i razvojnim teškoćama) osnovni nivo** Ministarstvo za obrazovanje, nauku i mlade Kantona Sarajevo u 2022. godini, uvidom u sadržaj istog inspektor konstatuje da su navedene kao cjeline:
 - osnovna obilježja nastavnog plana i programa i organizacija odgojno obrazovnog rada
 - odgojno-obrazovna područja
 - stručna sprema nastavnika
 - ciljevi i zadaci
 - tretman u osnovnoškolskoj dobi;
- Nastavni plan za devetogodišnju osnovnu školu za djecu sa umjerenim i težim intelektualnim i razvojnim teškoćama (I nivo, II nivo, III nivo)
- senzomotorni odgoj (metodski postupak i sadržaji senzornomotornog područja)
- Tjelesni odgoj
- briga o sebi
- moja okolina
- likovno izražavanje
- muzičko izražavanje
- socijalizacija

- radni odgoj i komunikacija
- **Nastavni plan i program za devetogodišnju osnovnu školu za djecu sa intelektualnim teškoćama (nastavni plan i program za učenike sa lahkim intelektualnim i razvojnim teškoćama) napredni nivo Ministarstvo za obrazovanje, nauku i mlade Kantona Sarajevo u 2022. godini**, uvidom u sadržaj istog inspektor konstatuje da su navedene kao cjeline:
- uvod,
- nastavni plan i program za prvi razred (bosanski, hrvatski, srpski jezik i književnost, matematika, moja okolina, tjelesni i zdravstveni odgoj, muzički odgoj, likovni odgoj, korekciono terapijski programi, psihomotorna reedukacija, razvoj govora i vannastavne aktivnosti)
- nastavni plan i program za drugi razred (bosanski, hrvatski, srpski jezik i književnost, matematika, moja okolina, tjelesni i zdravstveni odgoj, muzički odgoj, likovni odgoj, korekciono terapijski programi, psihomotorna reedukacija, razvoj govora);
- nastavni plan i program za treći razred (bosanski, hrvatski, srpski jezik i književnost, matematika, moja okolina, tjelesni i zdravstveni odgoj, muzički odgoj, likovni odgoj, korekciono terapijski programi, psihomotorna reedukacija, razvoj govora);
- nastavni plan i program za četvrti razred (bosanski, hrvatski, srpski jezik i književnost, matematika, moja okolina, tjelesni i zdravstveni odgoj, muzički odgoj, likovni odgoj, engleski jezik, korekciono terapijski programi, psihomotorna reedukacija, razvoj govora);
- nastavni plan i program za peti razred (bosanski, hrvatski, srpski jezik i književnost, matematika, poznavanje prirode, poznavanje društva, kultura življenja, muzički odgoj, likovni odgoj, tjelesni i zdravstveni odgoj i engleski jezik)
- nastavni plan i program za šesti razred (bosanski, hrvatski, srpski jezik i književnost, matematika, poznavanje prirode, poznavanje društva, kultura življenja, muzički odgoj, likovni odgoj, tjelesni i zdravstveni odgoj i engleski jezik);
- nastavni plan i program za sedmi razred (bosanski, hrvatski, srpski jezik i književnost, matematika, poznavanje prirode, poznavanje društva, kultura življenja, muzički odgoj, likovni odgoj, tjelesni i zdravstveni odgoj i engleski jezik)
- nastavni plan i program za osmi razred (bosanski, hrvatski, srpski jezik i književnost, matematika, priroda, društvo, kultura življenja, muzički odgoj, likovni odgoj, tjelesni i zdravstveni odgoj i engleski jezik)
- nastavni plan i program za deveti razred (bosanski, hrvatski, srpski jezik i književnost, matematika, priroda, društvo, kultura življenja, muzički odgoj, likovni odgoj, tjelesni i zdravstveni odgoj i engleski jezik).
- Akt JU Centar za odgoj, obrazovanje i rehabilitaciju "Vladimir Nazor" broj: 01-1460/25 od 28.04.2025. godine predat na protokol Kantona Sarajevo broj: 30.04.2025. godine;
- Akt Ministarstva za odgoj i obrazovanje Kantona Sarajevo broj: 11-07/02-34-19089-1/25 od 12.05.2025. godine.

Iz navedenog proizilazi da Nastavnim planovima i programima u Centru nije propisana kinezioterapija kao ni fizioterapija.

Prilikom vršenja inspeksijskog nadzora pregledu prisutni pomoćnik direktora je upoznao inspektora da je u prethodnom periodu bio održan sastanak sa predstavnicima Instituta za razvoj preduniverzitetskog obrazovanja Kantona Sarajevo u cilju izmjene Nastavnih planova i programa za osnovni i napredni nivo te da je tom prilikom, pored izmjena nastavnog plana i programa traženo da se u iste dodaju rehabilitacioni tretmani. Kao dokaz izjavi prezentiran je Akt JU Centar

za odgoj, obrazovanje i rehabilitaciju "Vladimir Nazor" Sarajevo, broj: 01-138-01/26 od 20.1.2026. godine upućen Institutu za razvoj preduniverzitetskog obrazovanja.

Ovim putem Vas upoznajemo da je:

- Odlukom o pedagoškim standardima i normativima za odgoj i obrazovanje u osnovnoj i srednjoj školi (Službene novine Kantona Sarajevo" br. 3/25 i 29/25) na strani 30. navedeno da škola/centar ima saradnika, i to pod rednim brojem 4. Medicinska sestra – tehničar a pod rednim brojem 5. Fizioterapeut (za svakog učenika za kojeg stručni tim škole/centara za odgoj, obrazovanje i rehabilitaciju učenika s teškoćama u razvoju/centra procijeni da mu je potreban) 0,1 izvršilaca kao i da je za angažiranje fizioterapeuta potrebno pribaviti saglasnost Ministarstva.

- U inspeksijskom nadzoru na traženje inspektora prezentirana je Saglasnost Ministarstva za odgoj i obrazovanje Kantona Sarajevo, broj: 11-10-30-29067-18/24 od 28.01.2025. godine kojim se JU Centar za odgoj, obrazovanje i rehabilitaciju "Vladimir Nazor" Sarajevo daje saglasnost, između ostalog, i za angažovanje fizioterapeuta.

- Odjeljkom 7.24. Odluke o pedagoškim standardima i normativima za odgoj i obrazovanje u osnovnoj i srednjoj školi (Službene novine Kantona Sarajevo" br. 3/25 i 29/25) su propisani poslovi i radni zadaci medicinske sestre – tehničara dok su odjeljkom 7.25. propisani poslovi i radni zadaci fizioterapeuta kao i njihov profil i stručna sprema.

- Pravilnikom o inkluzivnom obrazovanju ("Službene novine Kantona Sarajevo" broj: 37/25) u članu 7. stav (1) je propisano Nastavničko vijeće, na prijedlog direktora škole, na vremenski period od dvije godine imenuje Stručni tim za inkluziju kojeg čine: nastavnik, pedagog, psiholog i socijalni radnik ukoliko je zaposlen u školi.

Iz citiranih odredbi proizilazi da centri uz saglasnost Ministarstva za odgoj i obrazovanje Kantona Sarajevo mogu angažirati fizioterapeute te da Stručni tim centra procjenjuje kojim učenicima je potreban fizioterapeut ali da istim nije propisano na osnovu čega se vrši procjena.

S poštovanjem,

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a



